

Beneben diesem/ hat der Weibliche Bauch/ oder  
Gebeermutter/ noch andere vier Bande/ deren zwey  
zu berst/ wie allbereit gemeldet/ vnd die andere beyde  
vnden/ rund/ vnd einer solchen Röth/ das sie  
auch von etlichen als Mäuslein geachtet werden/  
als welche gemelte Band/ vnablößlich begleiten/  
vnd von denselbigen nicht abgesondert werden kön-  
nen/ gleich wie auch in der Manns Personen/ Ge-  
fässen des Samens/ solche zubefinden/ Vnd ist dies-  
ser Mäuslein Eynschafft vnd Wirkung fürnem-  
lich in Bewegung der Gebeermutter/ zuspüren/  
Dann dieselbige durch solche auff vnd nieder bewes-  
get/ oder ja zum wenigsten befestiget/ vnd verhin-  
dert wird/ damit sie aus ihrer Städte vnd Orth  
nicht außweichen möge/ oder sich herab sencken/ wie  
solches je bisweilen zugeschehen pfleget/ wegen der  
grossen beschwerlichen Last vnd Bürde/ so sie er-  
träget/ Wie denn auch wegen grossen Schmierzen  
Stercke/ vnd Arbeit so sie in der Geburt erleidet/  
vnd der vbrigen Feuchtigkeiten welche aus dem  
ganzen Leib dieses Orth sich versamen/ vnd die  
Gebeermutter nicht allein befeuchtigen/ Sondern  
auch ganz vnd gar aus ihrer Statt  
auflösen vnd bewegen  
köndten.

Das